



## Der abbaut Perversarelin

1. Mir kemme grad vom Gellert här und sueche unser Gligg,  
Verschwunde isch die scheeni Zyt der Sydebandfabrigg.  
Friener het me amme no, e Maitress vo Paris lo ko,  
Jetzt isch me bi där schlächte Zyt, zu über d'Kochi froh.
2. Was nützt's uns Basler wenn me in der Dalbe usse wohnt,  
Me wird nit vo der Krise, vo me Banggkrach nit verschont.  
De Verwaltigsreet g'hert sacht, wenn eso-ne Bangg vergracht.  
Vom Voigg use Danggbarkait uff's Grab, e digge Branne  
gnacht.
3. Der Schnellauer mecht d'Todesstrof, er het's no nit verdaut,  
Er mecht wenn ain nit ehrlich isch, me ihm der Kopf abbaut.  
Im grosse Rot, die Sauerei, wenn emole di Partei  
So ohni Kopf in d'Sitzig käm, dä Jubel und das Gschrei.
4. Der Schwyzer Zoll hebt aine a, wo Bilder schmuggle wett,  
S'isch aine vo der Mitropa wo das nit neetig het.  
Bring du uns, wenn 'd Schmuggle wil, vo duss e Hitler-  
schneere mit,  
So gross, dass es fir Basel-Stadt, e Halleschwimmbad git.
5. E neie Weg statt Uverkaif, der Globus git sich Mich,  
Der Frailain Freundlich Judetrigg will aifach nimme zieh.  
E neie Wäg, e neiy Zyt, das Frailain Freundlich isch fir d'Lyf,  
Ugschleilt als Globus-Missgeburt, im dritte Stogg im Sprit.
6. D'Lehrmittelfrog fir d'Schuele het me kritisiert.  
Berails het me s'Horst-Wessellied bym Singe ystudiert.  
E Schielere sait mir sinn hell, nächst schrybe, rechne, Aquarell.  
Wänn mir scho in der Seggeli, e Ehbiretigs-Stell.
7. Der Consum wo jetzt doppleti Prozenti het,  
Macht hie und do im Kichli Menschefleisch-Ballett.  
D'Husfraue goehn halt ainewig,  
Denn das g'heert doch zer Frauepfäg,  
Dur s'Johr emol so Zwätschge- und so Spargeltäg.
8. Will s'Schlachteveh me dur d'Strosse trybt, wird regglamiert,  
In andre Städt werd s'Veh scho lang in Wäge transportiert.  
Wenn Basel dät e Osetz erlob, dass s'Rindveh nur per Ax  
derft ko,  
Ward an de Grossrot-Sitzigtäg der Märt voll Wäge stoh.

---

Kemmet alli am Sunntig r'obe noch der Fasnacht am Sibeni  
in Musigsaal zueem Schlussabe von de Comité-Schnitzelbängg.